

**BOSNA I HERCEGOVINA
FEDERACIJA BOSNE I HERCEGOVINE
ZENIČKO – DOBOJSKI KANTON
KANTONALNO TUŽILAŠTVO
ZENIČKO – DOBOJSKOG KANTONA**

**Broj: T04 0 KT 0059822 24
Zenica, 19.09.2025. godine**

**OPĆINSKI SUD U KAKNJU
sudija za prethodno saslušanje
KAKANJ**

Na osnovu člana 45. stav 1. i 2. tačka i), člana 241. stav 1. i člana 242. Zakona o krivičnom postupku Federacije Bosne i Hercegovine (ZKP F BiH), podižem,

OPTUŽNICU

Protiv:

1. **S. Đ...**, *neosuđivan*,
2. **S. E.**, ... *neosuđivan*,

Što su,

Dana 30.07.2024. godine, oko 23,20 sati, na području općine Kakanj, na lokalitetu zvanom ..., ..., fizički napali S. M. i njegovu suprugu S. Dž., na način da su prethodno svojim vozilima blokirali put vozilu u kome su nalazili Dž. na mjestu vozača i M. na mjestu suvozača, potom izašli iz vozila i prišli vozilu u kojem su se nalazili Dž. i M., nakon čega je S. Đ. na silu otvorio vozačeva vrata i uhvativši Dž. u predjelu prsa, istu izvukao iz vozila, svjestan da takvim naročito drskim ponašanjem i nasiljem prema drugom ugrožava građanski mir, što je i htio, dok je istovremeno S. E. na silu otvorio vrata, uhvatio M. za ruku i izvukao ga iz vozila i potom ga počeo udarati u čemu mu se pridružio i S. Đ., te su zajedno, koristeći pri tome drvene grane M. zadali više udaraca u predjelu tijela i glave, uslijed kojih udaraca je u jednom trenutku M. pao na zemlju, svjesni da takvim udarcima mogu nanijeti teške tjelesne povrede M., što su i htjeli, na koji način su M. i nanijeli teške tjelesne povrede u vidu razdernonagnječne rane glave tjemenom lijevo, razdernonagnječne rane desnog lakta, krvne podlive kože bočne strane grudnog koša, obostrano, više lijevo, krvne podlive kože leđa, krvarenje ispod mekih moždanih ovojnica i nakupine krvi ispod tvrde moždane ovojnice, za koje vrijeme je Dž. dozivala upomoć i pokušavala da zaštiti muža, te se u jednom trenutku bacila na M., nakon čega su S. E. i S. Đ. prestali sa napadom i svojim vozilima se udaljili u nepoznatom pravcu,

Dakle, S. Đ. naročito drskim ponašanjem i nasiljem prema drugom ugrozio građanski mir, te drugog teško tjelesno povrijedio, a S. E. drugog teško tjelesno povrijedio,

Čime je S. Đ. počinio krivična djela nasilničko ponašanje iz člana 362. stav 1. i teška tjelesna povreda iz člana 172. stav 1. u vezi sa članom 31. i 54. KZ FBiH, a S. E. krivično djelo teška tjelesna povreda iz člana 172. stav 1. u vezi sa članom 31. KZ FBiH.